



Tolonglah martabatkan bahasa Melayu



ANTARA contoh pengiklanan yang menggunakan bahasa Inggeris, sekali gus mencemarkan kedaulatan bahasa Melayu.

Oleh Aqilah Mior Kamarulbaid 8 September 2021, 9:00 am

SAUDARA PENGARANG,

KETIKA berlangsungnya acara Sukan Olimpik 2020, kita dapat menyaksikan pengacara program rancangan televisyen berjaya menggunakan bahasa Melayu dalam sesi wawancara bersama atlet negara walaupun masih terselit bahasa Inggeris. Begitu juga acara Paralimpik Tokyo yang berlangsung baru-baru ini.

Saya bangga dan berbesar hati melihat atlet negara mempunyai semangat kebangsaan yang tebal dengan memilih untuk berbicara dalam bahasa Melayu walaupun ada dalam kalangan mereka bukan berbangsa bukan Melayu. Tahniah.

Sayangnya, penggunaan bahasa utama negara tidak diambil berat oleh syarikat-syarikat gergasi atau swasta yang lebih gemar memilih menggunakan bahasa Inggeris dalam pengiklanan. Teruk sangatkah kefahaman bahasa kebangsaan bagi kaum lain?

Semua pihak tidak kira pemimpin masyarakat, ahli korporat, peniaga, media, ahli sukan, orang ramai dan golongan cendekiawan perlu memainkan peranan proaktif demi mendaulatkan bahasa Melayu sebagai bahasa kebangsaan.

Beberapa tokoh penting seperti Tan Sri Hussein Ahmad dan Datuk Dr. Firdaus Abdullah pernah mengaku dan berasa sedih dengan sikap masyarakat yang meminggir dan mengabaikan bahasa kebangsaan.

Mereka sudah meninggalkan kita semua tetapi perjuangan mereka mesti diteruskan. Beberapa ahli sukan dan tokoh politik bertaraf menteri masih berucap atau memberi ulasan tentang sesuatu isu seperti ekonomi dalam bahasa Inggeris. Ini menyebabkan penduduk luar bandar tidak faham perkara yang disampaikan sehingga dasar-dasar kerajaan dari segi model ekonomi yang hendak diberikan kepada rakyat tidak dapat dikecapi.

Inilah peranan agensi-agensi kerajaan seperti Radio Televisyen Malaysia (RTM), pihak berkuasa tempatan mahupun swasta menanamkan semangat mencintai bahasa kebangsaan. Saya tidak mahu mengungkit isu papan tanda, iklan dan pelbagai dokumen seperti memo, risalah yang sudah lama membelakangkan bahasa kebangsaan. Begitu juga perjanjian pinjaman dan jual beli yang menggunakan bahasa Inggeris.

Tolonglah wahai pemimpinku, buatlah sesuatu sebelum nasi menjadi bubur. Jangan undur ke belakang sehingga sanggup menjadikan bahasa Inggeris sebagai bahasa sains dan teknologi serta ekonomi. Jika dilihat dari segi perjuangan mendaulatkan bahasa kebangsaan, kita boleh lihat bagaimana usaha Dr. Ridhuan Tee Abdullah, Prof. Datuk Koh Kay Kim, Prof. Dr. Teo Kok Seong, Dr. Lim Swee Tin, Dr. Sivamurugan, Dr. Mala dan lain-lain dalam mengagungkan bahasa ibunda.

Sempena sambutan ulang tahun Hari Kemerdekaan ke-64, tekad dan perjuangan memartabatkan bahasa Melayu sebagai bahasa kebangsaan mesti diteruskan.

GURU KAMPUNGAN, Melaka

BERITA SELANJUTNYA

by



Sempat beritahu rakan
nak bunuh diri



Ramai nak tunjuk pandai,
jadi saya angkat kaki —...



Afghanistan kecewa
Malaysia tidak buka...



Pelaburan Bitcoin
RM1,000 Yang Membu...



'Dua ekor toyol' ditahan
curi kotak amal masjid



Empat kampung 'orang
kaya baharu'



20 tahun peristiwa
serangan 9/11



MH17: 'Mereka bohong,
saya berani denda'



Netizen tegur "jihad"
Caricature

POPULAR



"Semoga penggiat industri seni dan kreatif
dapat manfaat dari pengumuman ini" -
Shahrol Shiro

8 September 2021, 10:15 am



Liga M muncul liga pertama di Asia ditaja
Puma

8 September 2021, 10:00 am



Korupsi punca Taliban bangkit

8 September 2021, 10:00 am



Memerdekakan jiwa yang gusar

8 September 2021, 9:45 am

Havertz cuma selesema biasa

Keunikan makanan-makanan tradisi Bajau Laut

Ifedayo penjaring terbanyak Liga Super

Raducanu tempah tiket ke suku akhir

Amaran cuaca waspada di Sabah dan Labuan

KBS mohon sukan padang dibuka

BERITA BERKAITAN





Sabar, prihatin, jadi asas dinamik negara merdeka

8 September 2021, 9:00 am



Peranan alumni buat generasi yang hilang

8 September 2021, 9:00 am



Prof. Siddiq wajar diangkat Pendeta Murabbi Ummah

8 September 2021, 9:00 am



Tiada bekalan elektrik sejak 13 tahun

7 September 2021, 8:30 am

Anda Dilindungi Oleh
mySalam Secara
PERCUMA



Tertakluk pada terma dan syarat



PREMIUM

LANGGANAN

Hak cipta terpelihara © 2021 Media Mulia Sdn. Bhd.

Terma dan Syarat
Hubungi Kami